

有物混成渾淪無分之謂也或問此物曰此物無首無尾不變不更非無非有非形非方無餘無欠不減不增無來無去不滅不生不黃不赤不白不青無內無外無迎無將無聲無臭不低不昂寥廓太虛無象無光若有若無若存若亡用之則行卷之則藏出入無時莫知其鄉生於天地之先寂然不見其有寥然不見其邊亘古今獨立而長存不變不滅流通於天地萬物之中無殆無危爲生生之本化化之根天地人物賴之以生故曰可以爲天下母也爲其無有不可得而名之故以道而表之也以其包含無量獨露無鄰強以大而名之言此道至大也自大而求之則逝而去矣自逝而求之愈

道藏輯要

道德上經釋辭

三

心集九

求而愈遠自遠而求之終不見其際反而求之恍在人心之中強曰道也天地人三才也皆道之所生不言人而言王者蓋其爲人倫之首也而人惟知道大天大地大殊不知人與天地並立爲三而王亦大故曰域中有四大而王處其一也是以聖人教人篤靜法地致虛法天澹泊無爲以法道清靜其心純粹其德動止中度左右逢原法自然也此言地天道三者皆有自然之妙學者當法之也

重爲輕根章第二十六

重爲輕根靜爲躁君是以君子終日行不離韜重雖有榮觀燕處超然奈何萬乘之主而以身輕天下輕則失臣躁則失君

此章言身心妄動而生輕躁使人以重輕繳其情也內重者則無狂妄之輕心靜者則無忿戾之躁故知輕以重爲本動以靜爲君也古者吉行乘乘車師行乘兵車皆輕車也後有重車以載寢食服御之物謂之輜重也而輕車終日行不與重車相離者輕以重爲本也雖然宴樂於榮觀之勝境此心超然如燕居無事之時不爲宴樂遊觀以累其心者動以靜爲君也萬乘之主豈可妄動其身心乎身妄動尙失之輕身猶臣故曰輕則失臣也心妄動則失之重心猶君天君內擾失靜之全故曰躁則失君也

善行無轍章第二十七

道藏輯要

道德上經釋辭

七

心集九
XVIII

善行無轍迹善言無瑕謫善計不用籌策善閉無關鍵而不可開善結無繩約而不可解是以聖人常善救人故無棄人常善救物故無棄物是謂襲明故善人不善人之師不善人善人之資不貴其師不愛其資雖智大迷是謂要妙

行所當行雖行而無迹也中節之言雖言而無過也事至順應安用智術而計度也閉息內觀雖無關鍵其可開也陰陽妙合雖無繩約其可解也是以聖人隨材用人故無棄人因時制物故無棄物常存救人救物之心而念念相續是謂襲明善者其德可法是因其善而從其善故曰師不善者其行可戒且因其惡而知其爲善故曰資如其見可師者而不知